



Universitätsbibliothek Paderborn

Dei Immortalis In Corpore Mortali Patientis Historia

Stanyhurst, Guillaume

Coloniæ Agrippinæ, 1694

§. VII. Conatur Pilatus populum placare, sed frustra.

[urn:nbn:de:hbz:466:1-49178](https://nbn-resolving.de/urn:nbn:de:hbz:466:1-49178)

infirmus; sive sim abjectus, sive æstimatus; tristis,
sive hilaris: modò sim talis qualem me esse cupis.
Hæc est summa votorum meorum , hæc mea
maxima, quam mihi opto, felicitas; nec aliud nisi
hoc unum cupio, sive in cœlis, sive in terris, sive
in tempore, sive in æternitate, quām me totum
tuæ infinites adorandæ submittere voluntati.
Adoro pronissimâ mente divinam providen-
tiā tuā, neque desidero momentum unum
vitæ, vel tantillum sanitatis , aut sensum ullum
gaudii; imò nec gradum unum gratiæ aut gloriæ
supra id , quod à te mihi decretum est. Nolo
quidquam meo arbitrio permitti in iis , quæ
conditionem vitæ meæ, horam, aut genus mor-
tis meæ attingunt, aut in quavis alia dispositione
quæ se mihi posset offerre. Amputa, rescinde,
aufer, everte omnia consilia mea, quæ tuæ circa
me destinationi adversantur: statue de me ut vo-
les, tanquam Rex meus, & Dominus meus; ita
ut quidquid possum , sit in obsequium tuum;
quidquid habeo, sit tuum; sim totus tuus, & tu
sis meus; ego servus tuus, tu Rex meus.

§. VII.

*Conatur Pilatus placare populum, sed
frustrà.*

Pilatus, homo callidè vafer, & popularis auræ
captator ledulus, consuetus attendere magis
quæ aliis placerent , quām quæ se Judicem de-
decerent, facilitate crudeli perdidit semetipsum,
& Deum. Quantumcunque esset cautus & so-
liers , ne ipse quidem servire duobus Dominis
potuit: in eo veniâ non dignus, quòd deteriorem

revetitus, nimirum Cæsarem; meliorem contemperit, videlicet Christum. Tamen commotus rabidorum Pontificum ac populi protervia postulantium unâ voce, ut Christus crucifigere.

Ioan. 19.

tur, dicit eis: *Accipite eum vos, & crucifigite: ego enim non invenio in eo causam.* Responderunt ei Iudei: *Nos legem habemus, & secundum legem nostram debet mori, quia Filium Dei se fecit.*

Audite juris & legis periti: *Nos legem habemus, & secundum legem nostram debet mori.* Iudei legem habent, secundum quam licita est innocentis oppressio, justi condemnatio, justitiae violatio. *Nos legem habemus, secundum quam licet Deum offendere, immo occidere.* *Nos legem habemus, secundum quam, quidquid nobis lubet, licet.* Operat claram legem, quæ leges omnes divinas & humanas miscet, confundit, violat, abrogat! Hæc lex approbata à Iudeis, ne cum est abrogata à Christianis Hodieque passim viget illa in curiis, in conciliis, in aulis, in Academiis; nusquam non. Ingredere Advocatorum musæa, monelegem Dei prohibere, cuiquam injuriam facere, suum cuique trbuendum. Audies illicet: Quid ais? Tu legis perite tam es peregrinus in legi? *Nos legem habemus, & secundum legem nostram nullum est crimen opprimere innocentes, affligere viduas, deserere pupilos.* Convenias in aula nobilem, qui ad singulare certamen progreditur, ingere auribus ejus: *Illustrissime Domine, scilicet legem Dei esse, Non accides?* Quid ais? inquiet: Dic illa Monachis; nos de mundo sumus, & secundum leges mundi licet, honoris tuendi causâ, descendere in arenam, inire singulare certamen, percutere, lacerare, interficere. Admone virum eruditum, sed maledicuum, moneas, Do-

Leges
mundi
faciunt
homi-
nes ex-
leges
Christi.

etissime Domine, scisne ex mente Pauli, quia
Detractores Deo odibiles? Quid? tunè tam hospes es *Rom. I, 3.*
in Theologia? Nos habemus legem, novam sen-
tentiam ex nova Theologia, & secundum illam
detractio, contumelia, nullum est peccatum. Sic
in conviviis helluones legem habent, & secun-
dum illam legem licet ad æquales haustus certa-
re; licet ad sanitatem amici circumferre imma-
nem craterem, & funditus exhaustire, donec ra-
tionis usurâ, ut insani, priventur. In curiis Politici
legem habent, & secundum illam legem licet
habere potiorem rationem statûs. Regis, Cæsa-
ris, quam pietatis, virtutis, religionis, salutis Dei.
Ita hoc seculo omne vitium, quia est publicum,
videtur licitum. Sic violare legem Dei, est secun-
dum legem mundi. Sic etiam prava aliqua in ur-
be consuetudo, noxia pseudo-politicorum axio-
mata, pessima pessimorum exempla, sunt multis
velut lex, quam plerique amplectuntur, & dum
secundum eam legem vivunt, æternum pereunt;
quia Deus habet legem, & secundum legem Dei
hujusmodi homines, qui vixerunt secundum le-
gem mundi, debent mori. Quisquis juxta has
mundi leges vixisti, hic tibi propone horam il-
lam, quâ desines vivere: Finge tibi dici illa Joan-
nis tristissima verba: *Fili, novissima hora est. Ve-* *1. Ioan. 2.*
niunt ad lectum tuum fatalem illæ vanitatis pe- *18.*
dissequæ, quarum legibus obtemperasti. Adest *In hora*
pulchritudo. En tibi hominem, ô pulchritudo, mortis
qui majorem vitæ suæ partem in obsequium tuum *omnes*
impedit, inquietus die, insomnis nocte, decoris *quibus*
& blandis oculis aspiciens, calamistris inurens *adhæsi-*
cincinnos, ad speculum fulvam cæsariem discri- *mus va-*
minans. Quid ei pro his officiis impendes, ô *nitates,*
pulchritudo? *Nos legem habemus, & secundum legem nos con-*

**demna-
bunt.**

nostram debet mori. Ecce honor, jacet ibi in lecto plenus angustiarum homo, qui nullum non morit lapidem, nulli laborei pepercit, ut gloriolæ, aut popularis favoris aucuparetur umbram: totum se tibi mancipavit, noctes diesque trivit Magnatum limina, affectavit Procerum clientelas, unum illi fuit studium placere pessinis. Quæ tot meritis præmia proponis? *Nos legem habemus, & secundum legem nostram debet mori.* Ecce ô Voluntas, hominem tibi penitus consecratum, cuius in te unâ fixa felicitas, qui honore postposito, de spectâ salute, Dei legibus neglectis, te unam semper amplexus officiosissimè coluit. Quam illi mercedem dabis? *Nos legem habemus, & secundum legem nostram debet mori.* Tunc tibi sigillatim occurrit quæcunque unquam commisisti peccata; socii illi discoli, auctores, vel complices sceleris; aderit & proditor mundus, actor diabolus, judex Christus; una tunc erit vox omnium: *Nos legem habemus, & secundum legem nostram debet mori.* In nunc cosmophile; sequere mundum, & ejus voluptates inanes; vive secundum leges mundi, quas ubi ad amissim observaveris, erit tempus, quando secundum legem Dei debebis non tantum semel mori, sed semper pati. Hoc si ita est, cupio in Mundi legibus esse exlex: satagam potius, ut sim peritus legum divinarum, quam humanarum, cœlestium, quam civilium. Tu Christe legem habes, & secundum legem tuam, Beati sunt pauperes spiritu, quoniam ipsorum est Regnum celorum: secundum illam, Beati qui lugent, quoniam ipsi consolabuntur. O beatam legem, quæ sui sectatores reddit beatos! Itaque spretis mundi legibus, scrutabor legem tuam, & custodiam illam in toto corde

Matib. 5.

Pf. 108.

mio.

meo: Tunc in pace in id ipsum dormiam; quia pax Ps. 118.
multa diligentibus legem tuam.

165.

§. VIII.

*Pilatum cogunt Iudei minis, ut Christum
condemnet.*

HAec tenus Pilatus virum se præbuerat, & pro Christo se fortē ostenderat, sed tandem excusserunt ei omnem ex animo æquitatem, & incusserunt formidinem illa verba, *Si hunc dimit-
tū, non es amicus Cæsarī.* *Ioan. 19.*

Hic fuit velut decumanus fluctus, quo oppres-
sa, & submersa fuit Justitia, tunc submisit fasces
Æquitas iniquitati. Illa verba, *Non es amicus Cæ-
sarī*, nimium quantum turbarunt animum Præ-
sidis. Tunc ipse secum: Pereat potius Christus,
quam ut Pilatus non sit amicus Cæsarī: amica
Justitia, amica Innocentia, amica quæcumque
virtus, sed magis amicus Cæsar. Inimicus potius
sim ipsius Numinis, quam non amicus Cæsarī:
tollatur potius innocens ex hac vita, quam Pilat-
us excidat Cæsarī gratiā. Evertantur jus, fas, Æ-
quitas, Pietas, omnia potius, quam ut solvatur
inter Cæarem & Pilatum amicitia. O dira cupi-
ditas complacendi hominibus! O crudelis me-
tus disPLICENDI! O humani respectus, de illa cu-
piditate, metuque conflati, quam potentes estis,
& ad omne facinus perpetrandum parati! Ecce
hoc unum potuit permovere hominem ad con-
demnandum Jesum: quod neque Pharisæi suis
calumniis, neque Pontifices, aut sacerdotum
Principes suis prætentis legibus, neque populus
universus suis inconditis clamoribus extorquere
potuit,